

〔清〕

鄭承瀚
方成培 撰

重樓玉鑰續編

中國醫學大成續集

重樓玉鑰續編提要

清·鄭承瀚撰。承瀚字若溪。又號樞扶氏。歙縣人。鄭氏以喉牙科名。累世相傳。實擅起死回生之術。嘗嚴守秘訣。不肯示人。殊不知鄭氏之術。得之於重樓玉鑰一書爲多。正編早已盛行於世。習是科者。罔勿奉爲圭臬。其玄妙之續編。即經樞扶先生一再增輯之本。其於喉症白腐專論加詳。近今坊本。陳修園書中有數種。專言此症者。皆不及是書之縝密允當也。原書有道光元年辛巳歲大呂月歙南昌溪吳季儒鈔十八字。嘉慶九年樞扶氏自序。首列統理十二經脈。皆上循咽喉總論。喉痹大意論。喉痹有火濕寒之異。分內因外候。喉與咽之異。表與裏之分。虛與實之辨。陰與陽之別。脈法治法。用藥加減法。統論脾胃皆交於口。而脾爲之主。分內因外候。

脈法治法。統論唇爲脾胃。肝之所主。統論舌爲心脾所主。論齒爲
腎胃大腸所屬。論諸證補遺。附錄諸證治法。選錄驗方。咽喉虛實
總辨。各證分辨。附錄驗案。喉部經絡。舌部經絡。齒牙經絡。口
部經絡。唇部經絡。項頸部經絡。喉症白腐例言。論白腐證論治論
方。內服方。吹藥方。藥性。宜用藥味。列後自製醫說。皆以實驗
心得發明。喉證病理。上考靈素聖濟總錄。下參後賢名言精論。誠
喉科之傑作也。前由裘氏三三醫社刊印。早已絕版。茲再增圈點重
校印行之。

三三醫書第三集第二十七種

重樓玉鑰續編

杭州三三醫社出版

白纏喉叙

鄭子若溪。聰明好學士也。潛心於醫學有年矣。其於喉證。尤究心焉。蓋喉科乃其家傳。然其書特言實症。而虛症未之及也。至於白腐一證。近日更多醫者罔察。自作聰明。不論色脈。每作實證治之。而天枉者不可勝數。若溪心竊傷之。自出手眼。因辯證著方。以闢其謬。而病是證者咸登壽域。書成。持以示予。予讀之。不覺躍然。因謂之曰。善哉。子能爲白腐證闢一坦道。而以虛燥立方。子之功德遠矣。蓋白者。肺色也。腐者。腎臭也。原非病也。形而出之外。則病矣。白加腐。則肺燥矣。腐且白。則腎枯矣。既燥且枯。子母俱敗。不有以潤之補之。而猶曰紫正敗毒。則將持雌失雄。棄陰負陽。其不至於載胥及溺不止矣。吾子之論是也。藏之名山。曷若傳之後世。好生之德。與人同之。不亦善乎。因書之以弁其簡端。

重樓玉鑰續編叙

七十有六老人莘田吳守先紹中氏拜撰

跋

丁巳之秋九月念六。余妾洪氏忽然喉症乍起。白大若錢。寒熱交作。手足如冰。次早延醫。服牛蒡甘桔而未解也。再服。病益進。別延友人。紫正地黃湯。又延友人。羌活大黃湯。月至朔而命殂矣。或曰。此惡症也。古無治法。或曰。此真證也。百不一生。予悲之。天之酷人太甚也。詰朝。樞扶叔祖慰我。予具以告。叔祖曰。燥也。死於命。非死於病也。子悲何補哉。夫醫者理也。風勝濕。火就燥。燥。虛火而非實火也。子喻五行者也。反生反尅知乎。無水不生。非土不養。水燥則涸而木死。木燥則枯而火死。火燥則烈而土死。土燥則崩而金死。金燥則頑而水死。生機熄矣。其見症也。不亦宜乎。經曰。燥以潤之。不有潤也。不死何待。時誌之。不敢忘。越數日。小女未週歲而症作。卽延治。七日而滿口之白腐頓消。成敗易勢。得

失相反。始信斯症之不惡也。治有治法也。證無真假也。一生百生也。我叔祖之言不爽也。今壬戌仲冬集稿成篋。授予讀之。竟其委。清其源。不覺言之娓娓。道之津津。此非一朝一夕之故。其所由來漸矣。其論確。其見真。其功深。其心苦。其論確。故要言不煩。其見真。故取效甚速。其功深。其心苦。則叔祖之篤信好學也。世之咄咄以爲惡症者。不且共登衽席而享壽域乎哉。

當時同證三人。二俱不可死者。竟六七日而偕亡。惟小女未週歲而獨存。吁。不遇樞扶叔祖命也。居今思昔。爲之盡然。爰跋於後。後深感一綫之生云爾。

皆

嘉慶七年歲在壬戌孟冬月上浣。雙橋蓮湖居士謹識

種 七 十 二 第

篇 續 鑰 玉 樓 重
要 提

喉科重樓玉鑰早已盛行於世。習是科者罔不奉爲圭臬。不知更有精當切用之續篇在也。本書爲歙縣鄭氏祕藏。蓋鄭氏之喉牙科名垂數世。皆得力於此。且正編爲僕人竊出。流傳於世。故續篇益加重視。同治初年。周君邦彥以數十青蚨得於舊書攤。以非專科。贈諸章社友之尊甫。亦無暇流覽。洎媳患喉科險症。採用本書中方而癒。始共寶貴。後歷次試驗。無不立奏奇效。

自叙重樓玉鑰續編

先高祖赤山公（瀚）七代祖也。性好堪輿。精研軒岐。淵源已久。是故知醫代不乏人。然未嘗輕言也。先大父詡齋公當賈盱豐時。會閩人黃明生先生異授喉科。治驗如神。活人甚夥。心竊慕焉。因思利濟於人。是科爲最。計與商之。而先生不可。其時。叔祖仰山公向。詡齋公曰。窺先生之祕。非禮莫能爲也。於是具幣帛束金百兩。負笈於先生之門。先生曰。予非吝而不傳。實有因耳。昔授受時。曾立不傳之誓。違之則主乏嗣。既誠於前。何可背於後耶。仰山公曰。今懇先生之祕者。實存濟人之念耳。如能廣以濟人。卽先生自濟也。先生何樂而不爲焉。請熟籌之。如是俯可。出其書以授。乃囑曰。珍之。仰山公曰。唯唯。詡齋公旋里。命父伯輩感究心焉。凡患喉疾實症者。依法療之。無不神效。而先生年

近六旬。果無嗣而歿。仰山公攜遺像一幀而歸。供奉於書室中。由是數十年來。活人甚廣。後被僕人私竊其半。貪利而售之於外。遂至更相傳鈔。家有其本。邇來業是科者。皆執此書爲圭臬焉。(瀚)雖不敏。未冠時性近醫及地理。從績北曹素峯先生游。至於醫學。過庭之訓。精醫諸友。聆益良多。於是遍歷楚豫江浙會稽蘇揚間。獲異人奇方。往往輒效。又遇馬子從龍於吳山之大乘古剎。馬氏曰。不游名山大川。不登山陰禹穴。烏足以言地理。而醫亦然。子知之乎。須襟懷淡蕩。領會山川靈秀於胸次。便覺悠然而不局促。融通而無固執矣。信乎。方子岫雲云。予於痘疹之機括。每從漢印中悟出。斯言也。誠得此中三昧語耳。非好奇之謂也。蓋痘者豆也。非毒也。當其未感發之時。無形可據。夫何毒之有。既發動。透於肌膚。雖形現於外。尙未成漿。猶未可執以爲毒也。或成漿時方可以毒論。然毒卽氣血也。痘之起長貫漿。收靨落痂。全憑乎氣血陰陽。凡血充氣足。

則陰陽調暢。能化毒載出營衛。故應期而痊。若血虛氣虧。陰陽偏勝。焉能斂毒達於肌肉。况習俗從事於寒涼。伐及無辜。而氣血復爲所傷。毒隨氣血散漫。以致內陷。變爲敗症。莫可挽救。是誰之責歟。皆因執毒之義爲害也。是以流毒日深。牢不可破。寧服寒涼而斃。終無怨也。至於喉科以及諸症。總不離乎氣血陰陽表裏虛實耳。余於壬子歲自漢歸來。抱終天之恨。無以爲計。與三弟朝夕研醫。互相討論。以承家學。忽忽間倏一紀。不覺光陰之迅也。因念年逾半百。精力漸衰。地理一道。跋涉維艱。而流水高山。歎鍾期之難遇。故將喉科歷年來辯明虛實寒熱之處。一一詳言之。俾後之習此者知有所導。庶不致膠柱刻舟之誚。以補是科之所未及云爾。

時

大清嘉慶九年歲在甲子孟夏月上澣。雙橋樞扶氏鄭瀚書於十琴軒之西窗。

續重樓玉鑰自叙

喉科之書。所見凡十有餘家。或詳或略。各有所長。至若治驗神速。莫如秘授三十六症。自治療以來。活人甚廣。然未嘗論證與脈。要之。總是死法。未爲盡善也。余懼醫家各執祕授。不知通變。往往反因而誤事。故與環川方子岫雲博採古今之書。纂爲續編。以補諸家之未備。其中指示色脈。辯別症因。以至用藥加減之法。至詳極慎。醫者誠能遵而用之。神而明之。庶不致膠柱刻舟之誚。其於仁術。或未必無小補云。

雙橋樞扶氏若溪鄭瀚識

重樓玉鑰續編序

歙縣西園鄭氏以喉牙科名。歷世相傳。實擅起死回生之能術。而通乎神者矣。顧甚居奇守秘。聲價自高。殊不知其所以炫世驚人。攫盛名賺金錢者。全藉重樓玉鑰一書而已也。書分正續兩編。正編早已盛行於世。習是科者罔不奉爲圭臬。盡皆謂爲完璧。足以應用而有餘。而弗料其更有玄妙之續編在也。觀樞扶氏之自序。言是書之珍秘。得書之艱難。至有不再他傳之哲。固屬從前人務獨善不知道德之陋習。蓋其靈驗可貴之價值。實有倍於尋常之喉牙諸書者焉。正編言爲僕人竊出。展轉傳鈔。致坊間亦得刊售。續編之什襲珍藏。當更較格外慎重矣。余家所藏之冊。係用桃花紙鈔訂者。字跡惡劣而潦草。裝訂粗率而顛錯。一見可知爲乘機偷暇之所成。折開印寫之情形。猶宛在也。原書經樞扶先生一再增輯。特於喉症白腐專論加詳。近今坊本陳修園醫書中及以外

有數種專言此症者。殊皆不及此書之縝密妥當也。此冊首頁有道光元年辛巳歲大呂月歛南昌溪吳季儒鈔十八字。計其年月。距嘉慶九年樞扶先生自序時。纔十有七年。正鄭氏鼎盛期間。萬無沽售流行之理。必屬至親密友。偵知藏處。如如姬盜兵符。遵王賺竹垞之故事。以智誘計取而得之者無疑也。同治初年。兵燹方定。我邑蓮川周丈邦彥。以數十青蚨得此於裨販擔頭。皮置架間。一未寓目。以己習內科。此屬非其所學也。先君子萃庵公見而喜之。假以歸。涉閱一周。謂之曰。此鄭氏秘笈也。喉牙口舌得此。可以名家矣。周丈頓悟。急即索回。越數歲。家計益窘。又值其子將續絃。乃以此冊作贈。而告借銀幣念番。先君子慨然允之。書遂爲我家有矣。先君子豁達多能。望隆鄉邑。排紛解難。應給不暇。醫藥堪輿。雖皆素嗜。而迫於環境。不克精專。致此書亦從航滯。歷廿餘年末一試用也。斯時先五兄石農挈眷居仁里岳家。從其外舅程金門先生兼習儒

與醫學。光緒甲午菊秋。嫂氏徒嬰喉患。先卽翁壻合治。繼延歛東舍頭專科程炳文。暨績城名醫葛巨川。章儀廷仲貽諸先生診視。濟濟一堂。愈治愈劇。奄然一息。臥莫能興。石農乃函致家中筱濤大姪。備述病危。商量後事。尙欲秘弗與先祖母朱太宜人知。恐其年高。鍾愛有素。致傷起居也。筱濤稟諸先居子。俟爾憶及是書。急命檢出。專人星夜齎去。相距四十里。以酉正發。亥末至矣。方憂其經多延誤。不及挽救。復慮其治法少驗。徒勞無功。舉室旁皇。擾攘達旦。錯午使者回言至。卽照書配藥。煎服頭劑。得效如神。晨間再進一劑。已刻已起坐索粥。病去大半。我動身時諄諄乞告堂上勿再記念。某已霍然就瘳矣。蓋其所採用祇養陰清燥湯神功丹二方而已。於是乃共寶此書。翁壻於數日中倩人各鈔二冊。以備轉借之有失也。嗣後患此者較多而愈可速。里中有患者。亦輒就先君子求診。皆隨治而療焉。戊戌仲春。先君子捐館舍。石農回里行道。後歷游

宣城受聘豫章。俱以善治喉名。緣以此爲師承也。余步石農之後。懸壺七載。喉牙疾患療愈百數。實亦得此書之資益者也。親友中習醫及好義者。皆就索鈔。無不如願以償之。然余拙不自藏。夙懷普濟。思鈔傳之有限。欲付梓而不能。力與心違。時與弗逮。憾。欣得裘吉生先生有徵刊醫書之盛舉。此書可不患湮沒。而其傳益廣矣。豈非治牙喉科者。又得一指迷之寶筏也哉。前經手鈔副本。寄呈先生。懇與審定。印入三三醫書。旋蒙來札惠允。且不棄荒陋。贈閱報以訂交。並弁言之。是囑。爰樂遵命。叙其緣起。與所關繫者。若此。燕燕筆禿。冗複無當。雖忝有附驥之榮。其難免著糞之誚也夫。

民國十四年歲次丑舊歷端五節。績溪章洪均叔和甫謹識